

# تاریخ عثمانی انجمنی

۱ شاپ  
۱۳۳۰

پنجمی سنہ  
نومبر ۳۰

مجموعہ سی

---

## قاضی برهان الدین احمد

( ۲۹ نجی جزء صحیفہ ۳۰۷ — ۲۹۶ دن مابعد )

یولبوغا بر مدت صوکره بر قوقه عصیان ایدہرک منطاشی سلطاندن طلب ایتمش و مشارالیہده عزیزیمتہ مساعده ایتمش اولدیغندن یکدیگرینه ظہیر اولان یولبوغا و منطاش حص و حما و دمشق تسخیر ایدہرک مصرہ کیتدیلمز . بر قوقی طوتوب کرک قلمہسنده حبس ایتدیلمز . بعدہ منطاش ایله یولبوغا ارہسنده ضدیت حاصل اولدی . منطاش احراز غلبہ ایله یولبوغایی طوتدیروب اسکندریہده حبس ایتدیردی . بو حالدن بر قوق استفاده ایدہرک حبسدن چیقدی . ینہ سلطنتہ نائل اولدی . منطاش عصیانسنده ثبات ایتدیگندن قتل ایدلدی . بپہودہ یرہ برچوق قانلرک آقاسنہ باعث اولدیغندن اعدایده اصابت اولدی . مصر عسکری سیواسدن عودت ایدنجہ جنید و دیگر خصمائی ازجملہ امیر احمد سلطان برهان الدین احمددن عذر دیلدیلمز و یکمیش حرکتلرندن پشیان اولدیلمز .

بوایامده آق قیونلو امیری قتلوبک [۱] وفات ایتمش ایدی . ارزنجان ملکی مطہرتن آق قیونلولرہ هجوم ایدہرک ماللرینی یغما ایتدیگندن ترکانلر آنی تعقیب ایله عظیم جنک وقوع بولدی . بو محاربهده مطہرتن مجروح و منہزم اولدی . مطہرتن ترکانلرک یایلاق عودتسنده تکرار هجوم ایتدی . ینہ منہزم اولدیغندن قراقیونلو قراجمده ملتجی اولدی . ایکی طائفہ ارہسنده عداوت قدیمہ اولماغلہ مطہرتن قرا محمدک یاردمی ایله آق

[۱] قتلغ یاخود حاجیک بابیوردجوارنده سینور قریہسنده مدفون اولدینی صرآت جهان نام تاریخده محرردر . سینور قریہسی « سینوریا » شهر قدیمک موقمنده اولمالیدر . بوراده روماسرداری پومپہ پونت قرالی مہردادک خزینہ لرندن برینی بولش ایدی . بعض تاریخلر قتلغ بکی آق قیونلو دولنتک مؤسسعی عدا بدرلر . مشارالیہده طربزون خاندان امپراطور بسندن قیزآلمشدر .

قیونلوری قناحالده بوزدی . قورتولانلر احمد بک ریاستده اوله رق سلطان برهان‌الدین احمده التجا ایتدیلر . سلطان ، احمد بکی انواع انعامه غریق ایتدی . فقط بر زمان صوکره احمد بکده علائم عصیان کورولمکه باشلادی . یولیوغای ناصری به قاصد کوندردیکی و « امور اوغلی ، خلیل بک دلقادری قتل ایتدیکندن سلطان برقوق انی بیوک بککر صیره سنه کچیردی . اکر بزده آنک دشمننه ( یعنی سلطان برهان‌الدین احمده ) قصد ایدر ایسه ک بزم مرتبه من مشارالیه قاتنده نه قدر عالی اولور . » دیدیکی سلطان برهان‌الدین احمدک مسموعی اولمش ایدی اما تجاهلده بولونور ایدی .

بو ائنده امیر احمددن ایلچیلر کلوب کیدوب صلح ایستلر ایدی . سلطان ، مصر لیلرک سیواسی محاصره سی ائناسنده امیر احمدک استرداد ایتدیکی قلعه لری کیرو ایسته دی . امیر احمد امتناع ایتدیکندن حرب باشلادی . امیر احمد مغلوب اوله رق اما سیه قلعه سنه قاچدی . « قران قیاسی » و « چکرک » قلعه لرینی حرباً کیرو آله رق سلطان برهان‌الدین احمد منصور و مظفر ارتق آباده قوندی . اورادن قاز آباده کیتدی . « قوروق قراکول » نام خوش سیدکاهده رمضانی کچیردی . بایرام نمازندن صوکره احمد بک اوینه کیدوب کلمک اوزره اذن ایسته دی . بر ساعت صوکره زره کیمش اولدینی و اتباعی مرتب ، مکمل سوار بولوندینی حالده اوزاقده طوردی . سلطان برهان‌الدین برندن قلدانمادی . احمد بک « مقصدم معیتک قوتی عرض ایتکدر . » دیه خبر کوندردی . سلطان بوسوزک تزویر اولدینی بیلیدیکی حالده ینه بیلمه منزلکه کلدی . بایرامدن صوکره ترخال قلعه سنه عنیمت ایدن سلطان ، خراب ایدیلن عمارتنی تکرار یاپدیردی . دولتشاهی ایکی یوز نفرله تمین ایتدی . برکون آق قیونلو احمد بک حضور سلطانه کلهرک « آما سیه ولایتی معموردور . اهالیسی ایسه سلطانه عاصیدر . بزم عسکر من ایسه ضعیقدر . امر ایدر ایسه کز آنلره آقین ایدلم . مال آلوب

عسکرہ طاغیدالم . دیدی . سلطان تصویب ایتدی . حال بوکہ احمد  
 بك امیر احمدلہ کیزلیجہ اویوشمش اولدیفندن سلطانی ورطہ پہ دوشورمک  
 ایستہ یور ایدی . اما موفق اولامادیلر . سلطان غانما سیواسہ عودتله  
 محاربه یورغونلغنی کیدرمک وعزم بزم ایچون اپی بروسیله اولمق اوزره  
 اوغللرینه سنت دوکونی یاپدی . سوری ، ترخال قلعه سنک دولتشاه  
 طرفدن ضبطی سروری ولی ایتدی . بوندن صوکرہ آق قیونلو احمد  
 بکک امیر احمدلہ عقد اتفاق ومصاهرت ایتدیکی ومتحدآ توقات قلعه سنی  
 الده ایتمکه چالشدقلری خبری کلدی . سلطان ، بو قدر لطفنه مظهر  
 ایتدیکی احمد بکک نانکورلکنه حیرتله اسکی یوردینه دفعنی نصمیم  
 ایتدی . بونک ایچون توقاده کلدی . احمد بکده خائفانه اورایه کلدیکندن  
 سلطان نظرآفت ایله ملاطفه ایتدی . هرکس طاغلقده صوکرہ احمد  
 بکی ومعینی چاغیردی . جرملرینی یوزلرینه اوردی . حیاتدن امیدلرینی  
 کمش ایکن عفو ایله آنلری احیا ایتدی . اما بونلرک وطنلرینه  
 دوغملرینی ارزو ایتدیکندن عسکرینه اولرینی یغما ایتدیردی . صوکرہ ده  
 احمد بکه خلعت کیدوروب اموال ومواشینی استرداده کوندردی .  
 اناطولینک بوکونکی حال خرابیسی سلطان برهان الدین احمد کبی ظلمه نک  
 بوکبی حرکات غدارانه سی نتیجه سیدر .

آماسیه شهرینه جوار خراب قلعه تعمیرایدیلورسه آماسیه الده ایدیلہ جکی  
 سلطانه اخبار ایدلیدیکندن مشارالیه اورایه کیدوب قلعه بی تعمیر ایتدیردی .  
 سلطان شهید مراد خداوندکار قوصوه محاربه سنه عزیمت ایتدیکنی  
 استخبار ایدن امرای مغول بوسیره ده سلطان برهان الدین احمد کلدیلر .  
 ممالک عثمانیه بی غارت ایچون اذن ایسته دیلرسه ده انصاف ومروتہ موافق  
 کورمه دیکندن جواب رد ویردی . اورادن سیواسه عودت ایتدی .  
 مطهرتن ، قرا محمدلہ اولان اتفاقه مغرورآ برطاقم تصورانده  
 بولوندیغنی سلطان برهان الدین استخبارله بهار موسمنده ارزنجانه متوجه

اولدی . مطهرتن وخامتی ادراك ايله دوستلغندن بحت ایتک ارزره نواب کوندر دیکندن برطلوش قلعہسی تخریب ایدیلک ، امیر مطهرتندن ضبط ایدیلن بعض یرلر اعاده اولونماق ، امیر مطهرتن سلطانه عسکرله یاردم ایتک خصوصاتی قرارلاشدی . سلطان سیواسه عودتله برمدت اقامت ایتدی . امیر احمد ، منطاش ايله اتفاق ایدرهک همشیره سنی اکا تزویج ایتدیکندن امانیہیه حرکات عسکریه اجرانسه لزوم کورن سلطان معدن قلعہسی محاصره وضبط ایتدی . امیر احمد طالب صلح اولقله عقد مصالحه ایدیلوب سلطان سیواسه کلدی .

انتقام المقصودہسی کلدیکندن جنیدعلینہسوق عسکرله قرامان اوغلنک وسولی دلقادریک معاونتیرنه رغماً دولوحصارینی بالحاربه آلدی . فریدونه توجیه ایتدی . جنید کلوب سلطانک ایاغنی اوپه رک اطاعت ایتدیکندن اکاده خلعت کیدیردی . بعدہ قیصریهیه کلوب راحتنه باقدی . جنیدک شرنندن یایلاغه کیده مہین الوس سلطانه دما خوان اوله رق یایلاغه کیتدی . سلطانده یاتختنه کلدی .

برمدت سوکره قسطنونیہ بکی سلیمان پاشادن اتفاق طلبنی حاوی مکتوبلر کلکه باشلادی . بو اتفاق خواهشی ایضاح ایچون وقایع سالفهیه ارجاع نظر ایجاب ایتکده در : اماسیه ملکی امیر احمدہ قائم پدیری قسطنونیہ امیری بایزیددن قوہ معاونه کلدیکی ومع مافیہ کورک امیر احمدک کورک قسطنونیہ لیلرک مغلوب اولدقلری [۱] وسلایین عظام عثمانیه دن خداوندکار سلطان مرادخان اول قسطنونیہ امیرینک مغلوبیتندن بالاستفاده پدیرنه عاصی اولش ولان کوروروم بایزیدزاده سلیمان پاشانک پیشوالنی ايله قسطنونیہ ولایتی ضبط ایتدیکنی [۲] یوقاروده ذکر ایتیش ایدم . سلیمان پاشانک اسباب عصیانی ايسه ایقاع ایتدیکی برجنایت عظیمهیه

[۱] تاریخ عثمانی انجمنی مجموعہسی جره ۲۸ صحیفه ۲۳۹

[۲] بنه اوجزده صحیفه ۲۴۰

پدرینک اندن اشنع برمقابله ده بولونماسندن ایبرو گلش ایدی . شویله که سلیمان پاشا برادری اسکندری ملک مسأله سندن طولای قتل ایتمکله اسکندره محبت عظیمه سی بولونان کوتوروم بایزیده - غالباً سلیمان پاشای اله کچوروب اعدام ایده مه دیکندن - برای انتقام کنیدی قیزی اولان سلیمان پاشانک همشیره سنی و سلیمان پاشانک قیزی و اوغلی اولان حفیدو حفیده لرینی اسکندرک قاننه بدل اوله رق هلاک ایتدی . بومعصوملرک قانلری بر ظالم قرنداش و بابا یولنه براظم بابا وجد طرفندن اراقه اولونماسی رقت انکیز اولغله قیز قرنداشک و اولادینک اخذناری ایچون خداوندکار سلطان مراد خان اولک درگاهنه التجا ایدن سلیمان پاشا مظهر صحابت پادشاه عثمانی اولوب بوسایده قسطنونییه یی الیه ایتدی . باباسی بایزید منهزماً سینوبه صیغدی . طینت فاسده سندن و مألوف اولدینی غدر و ظلمدن حکمدارلغه سزا اولدینی مبرهن اولان سلیمان پاشای حضرت خداوندکار حبس ایدوب قسطنونییه یی ضبط ایتدی . فراره موفق اولان سلیمان پاشانک باشنه اهالی قسطنونییه طویلا نماقله عا کر عثمانیه کیرو چکیلوب خداوندکار قسطنونییه دن فتح ایتدیکی قلعه لری صاحب اولی بولونان بایزیده ترک ایتدی . سلیمان پاشا باباسنه مقاومت اقداری اولمادیغندن قسطنونییه دن چیقدی . پادشاه آل عثمان حضرت خداوندکار مراد خان سلیمان پاشانک قصورینی عفو ایله صهریت خاندان عثمانی ایله تلطیف و قلاع عثمانیه دن برینک تفویضی ایله تکریم ایله پدرینه مسلط ایتدی . خسته بولونان بایزید سینوبه رجعت ایدوب اوراده وفات ایتدی . ۷۸۷ . قسطنونییه سلیمان پاشایه قالدیغندن یلدریم سلطان بایزید خان جلوسنه قدر راحت حکم سورمکده ایدی .

حضرت خداوندکارک قوصوده شهادتی ولی ایدن شهزاده یعقوب فاجعه سی قرامان اوغللریله عونهنه و باخصوص مغوللره ممالک عثمانیه یه تجاوز ایچون بر فرصت تشکیل ایتدی . قرامانلیلر بکشهرینی و مغول

امراسندن مروت بك قير شهري الدير . مير مومي اليه قير شهري سلطان برهان الدين احمده تسليم ايتديکندن بوتوره دی سلطان ده اكا كدوك ولايتی ویردی . کر میان اوغلی ولد شاه چلی عثمانلیر یدینه کچمش اولان ممالکندن بضرینی استردادله دیکر لرینی قورتامغه سی ایتدی . خلاصه اناطولیده بولونان ممالک عثمانیه بی هر طرفدن دشمنلر صارمش ایدی . یلدریم . سلطان بایزید خان سلیمان پاشایی یاردمه چاغیردی . سلیمان پاشا قوتلی برعسکرله اكا ملحق اولدیغندن صاروخان وایدین ولايتلری استخلاص اولوندی . لکن سلیمان پاشا اناطولیده کی طوائف ملوکک سطوت سلطان بایزیدخانله صاعقه اصابت ایتشلره دوندکرینی رأی العین مشاهده ایتدیکندن خائفاً سلطان برهان‌الدین احمدک اتفاقه افتقار ایتدی . ایکی متفق امامسیه ملکی امیر احمدک تصرفده بولسان سمره قلعه سی حدودنده ملاقات ایتلمی قرار کیر اولمش ایدی . امیر احمد عادت معهوده سی وجهله ینه عصیان ایتش ایدی . سلطان برهان‌الدین احمد قلعه سمره نواحیسنه وصولنده قلعه محافظی سلیمان پاشانک مأمورلرندن برینی دعوتله قلعه بی اکتسليم ایتدی . سلطان برهان‌الدین احمد بوحیله ایله قلعه بی براقادینغندن وحریه باشلادیغندن قلعه محافظی سلیمان پاشانک آدمی طیشاری کوندروب قلعه بی سلطان برهان‌الدین احمده تسلیم ایله دی . سلیمان پاشا کندی رخصتی اولماق سزین مأمورینک بواشی یادیغنی بیان ایله سلطانندن عذر دیله دی . طرفین اره سنده ملاقات وقوعه کلوب سلطان برهان‌الدین احمد غایت قیمتدار برقلیج وکوله لر و جاریه لر اهداسی ایله متفقنی اهراز واکرام ایتدی . بوملاقای متعاقب سلطان برهان‌الدین احمد سیواسه کلوب یاز موسمنک نهایته قدر قالدی . بوهنکامده دولت عثمانیه ایله قرامان اوغلی محاربه اییدیور ایدی . عثمانلیر قونیه بی محاصره ایتکده اولدیننی ومغولک اکثری ده سلطان مشارالیهله متفق بولوندیننی خبری کلدی . قرامان اوغلی ایلچی کوندروب سلطان برهان‌الدین احمددن استمداد ایتدی .

بوده سلیمان پاشایی قرامانلیلره معاونته کوندرمک عزیمتله دانشمندیه  
متوجه اوله رق قرا حصاره قوندی . سلیمان پاشا ورود ایتدیکندن ایکی  
متفق عقد مجلس مشاوره ایتدیله . سلیمان پاشا « عنقریه [۱] وانکوریه [۲]  
ولایتی نهب و غارت ایدم . عثمان اوغلی قونیه دن قارقار . بوایش  
بو وجهله حل اولور . » دیدی قرامانلیلره یاردمدن زیاده کنندی  
منافعی کوزه دن سلطان برهان الدین احمد کنفری وانقره  
ینماسندن چندان مستفید اولامایه چغندن و بوینما سلیمان پاشانک قوت  
و مکنتنه خادم اوله جغنی درپیش ایتدیکندن بالذات قرامانلیلره معاونتی  
تکلیف ایتمکه سلیمان پاشا ایله متفقاً قیرشهرینه متوجه اولدیله . الوس  
امراسنده قاصد کوندردیله . بونلردن یاقینده بولونانلرک برقمی دعوته  
اجابت ایتدیله سببه اوزاقده کیلر بزم یایلاق و قیشلاغمز عثمان اوغلی  
حدودنده اولدیغندن بزیاز و قیش آنلره خوش کچنمکه مجبورز دیه رک  
اعتذار ایتدیله . سطوت عثمانیه ایله سلطان برهان الدین احمدک بومغوللره  
اولان نفوذی زواله یوزطوت مقدمه ایدی . مع مافیه مصر بک نامنده  
برمغول بکی - ذاتاً خاندانندن برقیز سلطان برهان الدین احمدک تحت تکاخنده  
بولونماسندن ناشی - آنکه متفق اولدی . سلطان مشارالیه قیرشهرینه  
مواصلتده قرامان اوغلتنه برقاچ دفعه قاصد کوندروب عجله کله سنی  
طلب ایتدی . حال بوکه قرامان اوغلی یلدریم سلطان بایزیدخانه بکشهریخی  
اعاده ایتیش و سلطان مشارالیه دن عثمانلیلرک قونیه یه تعرض ایتمه یه جکلری  
وعدینی الهرق صلح اولمش ایدی . سلطان برهان الدین احمدک قرامان اوغلی  
بولنده صرف ایتدیکی یاره و امک هیا اولدی . انجیق غالباً بوش دویمیش  
اولماق و احتمال که مغوللره کوز داغی و یرمک اوزره مصر بکه متعلق  
اولان جله قلعه سنی حربیا آلدی و قلعه ده بولونان مصر بکک اوغلی

[۱] کنفری

[۲] انقره



اسیر ایتدی . بونی متعاقب سلیمان پاشا ولایتی و سلطان برهان‌الدین احمدده قیصریه‌یه کیتدیله .

بهار اولونجه الوس امراسی برمستاد حضور سلطان برهان‌الدین احمدده کلدیله تشریفات و انعاماته مظهر اوله‌رق یرلرینه دوندیله .

سلطان برهان‌الدین قیصریه‌یه حرکتله ایوب حصارینه کلوب محافظنی جبراً تحت اطاعتی آلدقن صوکره قیصریه‌یه وبعده سیواسه روبراه اولدی . سیواسه موصلتدن برقاچ کون صوکره آماسیه ملکی امیر احمدک دولت عثمانیه ایله اتفاق ایتدیکی وسیالو قلعه‌سی صاحبی قلعه‌سنی عثمانیلره تسلیم ایتکد . نیشنده بولوندینی خبری کلدی . بوقلعه اودورده حصانته اک ممتاز قلاعدن بری ایدی . بویله مهم برموقمک عثمانیلرک الیه دوشمهدن ضیطی سلطان برهان‌الدین احمدجه ایزم بولوندیفتدن یازک اک شدتلی زماننده قلعه‌یه متوجه اولوب برقاچ کون محاصره ایتدی . قلعه محافظنی امیر احمدک امدادندن نا امید اوله‌رق بعضی شرائطله عرض اطاعت ایتدیکندن سلطان برهان‌الدین احمد قیصریه‌یه عزیمتله متاعب سفری برقاچ کونلر بزم ایله کیدردی . سلطنتنی یارزومه یاخود بزمه حصر ایدن بوتوره‌دی سلطانک اقبالی مرتبه قسواسنه رسیده اولمش اولدیفتدن ادباری باقلاشماقده ایدی . بو ائنده قسطمونیه امیری سلیمان پاشادن « عثمان اوغلی ولائیمزه قصد ایتکده متوجه‌در . سزدن بشقه صیغنه‌جق یرمز یوقدر . » خبری کلکله سلطان برهان‌الدین عسکر ترتینه باشلادی . بوخبرک وصولنده طرف دولت عثمانیه‌دن کلش اولان برسفر حضور سلطان برهان‌الدین احمدده اولدیفتدن برمتمدی ایله سلیمان پاشانک ایلچیسنی یلدریم بایزید خانه « سلیمان پاشا ولایتی حرکتکنز مسموعم اولدی . او بزم یارقدمز اولدیفتدن صرف نظر ایدیکنز . عکس تقدیرده بزده هجومه حاضرز . » خبریله کوندرمش و آماسیه حدودینه حرکت ایتمش ایدی . برقاچ کون صوکره

معتمد مومی الیہ رجوعہ کویا عثمان اوغلی ، سلطان برهان الدین احمدک  
توجہنی ایشیدنجہ درنوب کیتدیکی خبرینی کتیردیکندن توفاتہ کلدی .  
قیش موسمنده عثمانلیرک قسطنونیه قصدندہ اولدیغنی استخبار ایتکلہ  
عسکر طوبلا یوب معدنہ قوندی . عثمانلیر یاقین کلنجہ شیخ مؤیدایہ کورپہ  
بکی مقدمہ الجیش اولہرق سوق ایہ کندی دہ ارقہ دن یورودی . عثمانلیر  
سلطان برهان الدین احمدک توجہنی ایشیدنجہ کیرو دوندکلرندن سلیمان پاشا  
دشمنندن امین اولدی . فقط سلطان برهان الدین احمد سلیمان پاشانک  
تلونندن متمجب ایدی . زیرا سلیمان پاشاکاہ کیزلوجہ امیر احمد ایہ  
مخالصتہ بولونورکاہ طاشان اوغلی و باورالیری دعوت ایدرکاہ  
محمود جلی و سلیمان بک ایہ دوستلقدہ بولونور ایدی . سلطانی دہ  
و ہم امیر احمدلہ اختلاطدن مقصدم انی طوتوب سزہ تسلیم ایتکدر .  
کلمات نفاق آمیزیلہ اغفالہ چالیشیور ایدیسہ دہ سلطان آنک منافقلغنه  
واقف ایدی . شوسوزلردن آ کلاشیلان برحقیقت واردرکہ اودہ ایکی  
متفق یکدی بکرنندن امین اولامامہ سی خصوصیدر .

عادلشاه حضور سلطان برهان الدین احمدہ کلوب قیر شہری  
اھالیسنک قلندن وضعفندن و حدود عثمانیہ قریبندن بچلہ قلمہ سنک  
تحکیمنی استیذان ایتدی . سلطان بوتکلینی معقول کوروب بہارابتدالرنده  
اوطرفہ توجہلہ معمارلر اوستلر تمین ایدوب یکریمی کونندہ قلمہ نک  
سورینی و خندقنی یاپدیردی و ایوب حصار یولندن قیصریہ بہ متوجہ  
اولدی . ایوب حصار والیسی عصیان ایتش ایکن تکرار اطاعت  
ایتکلہ سلطان منبسطاً سیواسہ کلدی . امراء الوس و اتراک برمعتاد  
کلوب عرض انقیاد ایتلریلہ مطیباً عودت ایتدیلر . سلیمان پاشادن  
برمتمدی کلوب د عثمان اوغلی مملکت مزہ النی اوزاتدی . قسطنونیه بہ  
بتوجہ اولدی . دیدیکی کبی سلیمان پاشادن کتیردیکی مکتوبہ دہ  
د قرمان اوغلی امیر علاء الدین ایہ دوست صادقسکر . آنکلہ

متحداً امدادیمه یتیشکز. « دیه یازمش ایدی . سلطان برهان‌الدین احمد بواشعاری قبول ایله اماسیه اعیانندن و تاج‌الدینک اقرباسندن اولوب برمدت امیر احمدک وزارتنده بولونمش اولان محمد چلبی بی ایلیچلیکله سلیمان پاشایه توشیق اتفاق و اتحاد کوندردی . سفیر مومی‌ایله ادای سفارت یرینه سلطان علیهنه براتفاق حاضرلادی . بواتفاقه طاشان اوغلی ، باورا والیسی ، امیر احمد حتی سلیمان پاشاده داخل ایدی . اما عثمانلیلرک عساکر کلیه ایله قسطنونیه یورودکلری خبری یتیشنجه متفکر محمد چلبی بی برهان‌الدینه کوندردیله . محمد چلبینک قصوری عفو له عسکر جمعنه باشلابوب تاورده اردوکاه قوردی . لکن سلیمان پاشایه امدادده ایاق سورومکده ایدی . چونکه مولانا پاشا کشف ایله سلیمان پاشانک قتل اولنه جغنی خبر و یرمش ایدی . فی الحقیقه عثمانلیلر سلیمان پاشایی قتل ایله قسطنونیه شهرخی و ولایتی ضبط ایتدیکی خبری کلدی . بونی متعاقباده « دوستکز سلیمان پاشایی محو ایتدم . تکمیل مملکتی حکم آنته آلم . » ما آتده درگاه سلطان بایزید خاندن صاعقه وارصادر اولان نامه هیترس واصل اولدی . برهان‌الدین جوابنده « فتح و نصرت و کسر و هزیمت امرالهی ایله در . آدم قوتیله دکدر . » مقابله‌سنده بولوندی . فی الحقیقه برهان‌الدینک سوزی کندی حاله مطابق ظهور ایده رک قره یولوک عثمان بر آووج عشیرتی خلقیله آنی قتل ایتدی .

سلطان برهان‌الدین احمد تاورده دن حرکتله آرتق اباده قوندی و عثمانلی ایلیچیسینی کیرو چویردی . بر طرفدن ده عسکر طویلا ماقده ایدی . بواشاده دولت عثمانیه طرفدن دیگر بر ایلیچی کلوب عثمانلیلرک عثمانجه کلدیکنی اخبارله مصالحه دن دم اوردیغندن سلطان « عثمانجق ولایتی بزه متعلقدر . رعایاسندن نه آلدیکز ایسه کیرو یرمه لیسکز . یوقسه صلح صورتبذیر اولماز . » دیدی .

اماسیه ملکی امیر احمد عادی و جهله یمینده خلف ایدوب عثمان

اوغلی زردینہ کتدی. محمود چلبی دہ فرنداشی قلیج ارسلانی اکا رفیق  
ایتدی. طاشان اوغلی دہ بالذات ملحق اولدی. امرا ورؤسای  
اطراف فوج فوج عثمان اوغله دخیل دوشدیلر. توره دی سلطان  
صوک کونلرینک یاقلاشدیفنی آکلاماقله برابر تجربہ طالع ایچون  
اسباب جنکی احضار ایتدی. «بزم و رزم» دن خلاصہ ایتکده  
اولدیقم بو وقایع طیبی سلطان برهان الدین احمد لہنہ یازلمش وحتی  
مغلوبیتلری بیله غالبیت صورتندہ کوسترلمش اولدیغندن وقایع  
محکمہ نیک محاکمہ و مقایسہ سی تاریخ عثمانیہ براقہرق عزیز ابن اردشیر  
الاسترابادی نیک حکایاتی نقل ایدیم: سلطان برهان الدین احمد تدارکات  
حربہ سی آتامہ چالیشیر ایکن سیدی محمود ک قہراً قودودار اوغله  
متعلق بولونان قرق دلیم قلمہ سی ضبط و اوغلی حبس ایتدیکی خبری  
کلدی. سلطانک اردوسی حرکتله «طانکلوطاغ» مواصلندہ حاجی  
چلبی عصیانہ معدن قلمہ سی و متعاقباً عبداہ چلبی دہ عثمانجو (عثمانجو)  
قلمہ سی عثمانلیلرہ تسلیم ایتدکلری پیامی وارد اولدی. بو اثنادہ یلدیرم  
سلطان بایزید خان جانبدن «بزه دوستلق ایتمہ دیکیز. صلحہ دہ رضا  
کوسترمہ دیکیز جنکہ حاضرز» سحرای چوروملو» حرب میدانی  
اولسون. «تلیفاتندہ بولونان برابلی کلش و» موضع معینہ کلیورم.»  
جوایله سلطان برهان الدین احمد طرفدن اعادہ ایدلمشدر. وقوعہ کلن  
حربہ کویا عثمانلیلر منہزم اولہرق طاغیرہ تخصن ایتدکلرندن سیواسلیلر  
دفعاتہ مظفر اولمشار. حرب اوج کون امتداد ایتمش اولوب عثمانلیلرک  
رجعتی ایله نہایت بولش. سلطان برهان الدین احمد بو مظفرینی متعاقب  
عسکرینک برطاقنی امیر احمد اوزرینہ کوندر دیکندن امیر مشارالیه  
اماسیہ قلمہ سنہ جاتی آندی. مقبلری غنائم فراوان ایله دوندیلر. مغوللر  
حضور برهان الدینہ کلوب فتوحاتی تبریکله عثمانلی دیارینہ آقین ایتمہ پی  
تکلیف ایتدکلرندن توره دی سلطان مساعده احسان ایله دیکندن قرق

کوئی اسکلیب، انکوریہ ( انقرہ ) قلعہ جوق (قلعہ جک) ، سوری حصار  
حوالسنی یغما و برچوق عماراتی خراب ایتمشار .  
غالبا مظفریات متوالیہ سندن سیواس دہ بارینہ مایہ جغنی درک ایدن  
سلطان برهان‌الدین احمد قیصریہ یہ کیدوب آلام حربیہ بی ذوق و صفا  
ایلہ کیدرمک ایستدی ایسده ایکی اولادینک بردن ارتحالی خبریلہ تأثراتی  
مزداد اولدی . برمدت صوکرہ تأثراتی تخفف ایدنجه حل و عقد امور  
مملکتله مشغول اولماغه باشلادی . قیش تقرب ایتمکده اولدیندن عسا کر  
عثمانیہ مشتایہ چکیلدیکنی آکلاماغله قیصریہ دن سیواسه کلوب و هله  
آماسیہ اوزرینہ حرکت ایدہ جک اولور ایسہ عسا کر عثمانیہ درحال  
امدادہ کلہ میہ جکندن آماسیہ قلعہ سنی آماق احتمالی بولوندیغنی دوشوندی  
و ترییاتہ باشلادی .

احمد توحید

مابعدی وار